

REVIFORM d.o.o. SARAJEVO
AUDIT, ACCOUNTING AND CONSULTING
Sarajevo, Đoke Mazalića 1
tel. / fax: + 387 (33) 227 479 mob. 062 335 496
E - Mail: reviform@bih.net.ba

Financijski izvještaji
INFORMATIČKA AGENCIJA
POSLOVNA JEDINICA SARAJEVO
ISPOSTAVA NOVO SARAJEVO

23-06-2023

UNIS – UDRUŽENA METALNA INDUSTRIJA d.d. Sarajevo

Konsolidovani finansijski izvještaji i nezavisno
revizorsko mišljenje za godinu
koja je završila 31. decembra 2022.

SADRŽAJ

	Stranice
Izjava o odgovornosti za konsolidovane finansijske izvještaje	3
Izvještaj nezavisnog revizora	4-6
Konsolidovani bilans uspjeha	7
Konsolidovani bilans stanja	8
Konsolidovani izvještaj o gotovinskom toku	9
Konsolidovani izvještaj o promjenama na kapitalu	10
Osnovni podaci	11-13
Računovodstvene politike	14-24
Napomene uz konsolidovane finansijske izvještaje	25-30

ODGOVORNOST ZA KONSOLIDOVANE FINANSIJSKE IZVJEŠTAJE

U skladu sa Zakonom o računovodstvu i reviziji FBiH ("Službene novine FBiH", br. 15/21), za knjigovodstvo i računovodstvo pravne osobe odgovoran je njegov direktor. Uprava je dužna pobrinuti se da za svaku finansijsku godinu budu sastavljeni konsolidovani finansijski izvještaji u skladu sa Međunarodnim standardima finansijskog izvještavanja (MSFI) koje je objavio Odbor za međunarodne računovodstvene standarde, koji pružaju istinit i fer pregled stanja u Preduzeću, kao i njegove rezultate poslovanja za navedeno razdoblje.

Nakon provedbe odgovarajućeg istraživanja, Uprava opravdano očekuje da će UNIS Koncern u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju konsolidovanih finansijskih izvještaja.


Odgovornosti Uprave pri izradi konsolidovanih finansijskih izvještaja obuhvataju sljedeće:

- odabir i dosljednu primjenu odgovarajućih računovodstvenih politika,
- davanje opravdanih i razboritih prosudbi i procjena,
- postupanje u skladu sa važećim računovodstvenim standardima, uz objavu i obrazloženje svih materijalno značajnih odstupanja u konsolidovanim finansijskim izvještajima, i
- sastavljanje konsolidovanih finansijskih izvještaja pod pretpostavkom vremenske neograničenosti poslovanja, osim ako pretpostavka da će Preduzeće nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Koncerna. Također, Uprava je dužna pobrinuti se da konsolidovani finansijski izvještaji budu u skladu sa Zakonom o računovodstvu FBiH. Pored toga, Uprava je odgovorna za čuvanje imovine Koncerna, te za poduzimanje opravdanih koraka za sprečavanje i otkrivanje prevare i drugih nepravilnosti.

Za i u ime Uprave:

Kenan Taslaman, direktor



UNIS – Udružena metalna industrija d.d. Sarajevo
Envera Šehovića br. 54
71000 Sarajevo
Bosna i Hercegovina

30. maja 2023. godine

REVIFORM d.o.o. SARAJEVO
AUDIT, ACCOUNTING AND CONSULTING

Sarajevo, Đoke Mazalića 1

tel. / fax: + 387 (33) 227 479 mob. 062 335 496

E- Mail: reviform@bih.net.ba

**Izveštaj neovisnog revizora dioničarima UNIS Koncerna
Izveštaj o reviziji konsolidovanih finansijskih izvještaja**

Mišljenje

Obavili smo reviziju priloženih konsolidovanih finansijskih izvještaja društva UNIS d.d. („UNIS Koncern“) i ovisnih društava (zajedno - UNIS Koncern) koji obuhvataju konsolidovani izvještaj o finansijskom položaju na dan 31. decembra 2022. godine, te konsolidovane izvještaje o sveobuhvatnoj dobiti, promjenama na kapitalu, i novčanim tokovima za tada završenu godinu, kao i bilješke uz finansijske izvještaje, uključujući i sažetak značajnih računovodstvenih politika.

Prema našem mišljenju, priloženi konsolidovani godišnji finansijski izvještaji istinito i fer prikazuju finansijski položaj Koncerna na dan 31. decembra 2022. godine, njegovu finansijsku uspješnost i novčane tokove za tada završenu godinu u skladu sa Međunarodnim standardima finansijskog izvještavanja.

Osnova za mišljenje

Obavili smo našu reviziju u skladu sa Međunarodnim revizijskim standardima (MRevS-ima). Naše odgovornosti prema tim standardima su detaljnije opisane u našem izvještaju nezavisnog revizora u *odjeljku o revizijskim odgovornostima za reviziju godišnjih finansijskih izvještaja*. Nezavisni smo od UNIS Koncerna u skladu sa Kodeksom etike za profesionalne računovođe (IESBA Kodeks) i ispunili smo naše ostale etičke odgovornosti u skladu s IESBA Kodeksom. Vjerujemo da su revizijski dokazi koje smo prikupili dovoljni i primjereni da osiguraju osnovu za mišljenje.

Ostale informacije

Uprava je odgovorna za ostale informacije. Ostale informacije sadrže informacije uključene u godišnji izvještaj, ali ne uključuju godišnje finansijske izvještaje i naš izvještaj nezavisnog revizora o njima.

Naše mišljenje o godišnjim finansijskim izvještajima ne obuhvata ostale informacije i mi ne izražavamo bilo koji oblik zaključka s izražavanjem uvjerenja o njima.

U vezi s našom revizijom godišnjih finansijskih izvještaja, naša je odgovornost pročitati ostale informacije i, u provođenju toga, razmotriti jesu li ostale informacije značajno proturječne godišnjim finansijskim izvještajima ili našim saznanjima stečenim u reviziji ili se drugačije čini da su značajno pogrešno prikazane. Ako, temeljeno na poslu kojeg smo obavili, zaključimo da postoji značajni pogrešni prikaz tih ostalih informacija, od nas se zahtijeva da izvijestimo tu činjenicu. U tom smislu mi nemamo ništa za izvijestiti.

Odgovornost Uprave i onih koju su zaduženi za upravljanje za godišnje finansijske izvještaje

Uprava je odgovorna za sastavljanje godišnjih finansijskih izvještaja koji daju istinit i fer prikaz u skladu s Međunarodnim standardima finansijskog izvještavanja i za one interne kontrole za koje Uprava odredi da su potrebne za omogućavanje sastavljanja godišnjih finansijskih izvještaja koji su bez značajnog pogrešnog prikazivanja uslijed prevare ili pogreške.

U sastavljanju godišnjih finansijskih izvještaja, Uprava je odgovorna za procjenjivanje sposobnosti UNIS Koncerna da nastavi s poslovanjem po vremenski neograničenom poslovanju, objavljivanje, ako je primjenjivo, pitanja povezana s vremenski neograničenim poslovanjem i korištenjem računovodstvene osnove utemeljene na

Izvještaj neovisnog revizora dioničarima UNIS Koncerna
Izvještaj o reviziji konsolidovanih finansijskih izvještaja (nastavak)

Odgovornost Uprave i onih koju su zaduženi za upravljanje za godišnje finansijske izvještaje (nastavak)

vremenskoj neograničenosti poslovanja, osim ako Uprava ili namjerava likvidirati Koncern ili prekinuti poslovanje ili nema realne alternative nego da to učini.

Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovio UNIS Koncern.

Odgovornost revizora za reviziju godišnjih finansijskih izvještaja

Naši ciljevi su steći razumno uvjerenje o tome jesu li godišnji finansijski izvještaji kao cjelina bez značajnog pogrešnog prikaza uslijed prevare ili pogreške i izdati izvještaj nezavisnog revizora koje uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MRevS-ima uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prevare ili pogreške i smatraju se značajni ako se razumno može očekivati da, pojedinačno ili u zbiru, utječu na ekonomske odluke korisnika donijete na osnovi tih godišnjih finansijskih izvještaja.

Kao sastavni dio revizije u skladu s MRevS-ima, stvaramo profesionalne procjene i održavamo profesionalni skepticizam tokom revizije. Mi također:

- prepoznamo i procjenjujemo rizike značajnog pogrešnog prikaza godišnjih finansijskih izvještaja, zbog prevare ili pogreške, oblikujemo i obavljamo revizijske postupke kao reakcije na te rizike i prikupljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikaza nastalog uslijed prevare je veći od rizika nastalog uslijed pogreške, jer prevara može uključiti tajne sporazume, krivotvorenje, namjerno ispuštanje, pogrešno prikazivanje ili zaoblazanje internih kontrola.
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne i za svrhu izražavanja mišljenja o učinkovitosti internih kontrola UNIS Koncerna.
- ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorila Uprava.
- zaključujemo o primjerenosti korištene računovodstvene osnove utemeljene na vremenskoj neograničenosti poslovanja koju koristi Uprava i, temeljeno na prikupljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu sumnju u sposobnost UNIS Koncerna da nastavi s poslovanjem po vremenski neograničenom poslovanju.
- ako zaključimo da postoji značajna neizvjesnost, od nas se zahtijeva da skrenemo pažnju u našem izvještaju nezavisnog revizora na povezane objave u godišnjim finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci se temelje na revizijskim dokazima prikupljenim sve do datuma našeg izvještaja nezavisnog revizora. Međutim, budući događaji ili uslovi mogu uzrokovati da Koncern prekine s nastavljanjem poslovanja po vremenski neograničenom poslovanju.
- ocjenjujemo cjelokupnu prezentaciju, strukturu i sadržaj godišnjih finansijskih izvještaja, uključujući i objave, kao i održavaju li godišnji finansijski izvještaji transakcije i događaje na kojima su zasnovani na način kojim se postuže fer prezentacija.


Mi komuniciramo s onima koji su zaduženi za upravljanje u vezi sa, između ostalih pitanja, planiranim djelokrugom i vremenskim rasporedom revizije i važnim revizijskim nalazima, uključujući i u vezi sa značajnim nedostacima u internim kontrolama koji su otkriveni tokom naše revizije.

Mi također dajemo izjavu onima koji su zaduženi za upravljanje da smo postupili u skladu s relevantnim etičkim zahtjevima u vezi sa neovisnošću i da ćemo komunicirati sa njima o svim odnosima i drugim pitanjima za koje se može razumno smatrati da utiču na neovisnost, kao i, gdje je primjenjivo, o povezanim zaštitama.

Izveštaj neovisnog revizora dioničarima UNIS Koncerna
Izveštaj o reviziji konsolidovanih finansijskih izvještaja (nastavak)

Odgovornost revizora za reviziju godišnjih finansijskih izvještaja (nastavak)

Između pitanja o kojima se komunicira sa onima zaduženim za upravljanje, mi određujemo ona pitanja koja su od najveće važnosti u reviziji finansijskih izvještaja tekućeg perioda i stoga su ključna revizijska pitanja. Mi opisujemo ta pitanja u našem revizorskom izvještaju, osim ako zakon ili regulativa sprečava javno objavljivanje ili kada odlučimo, u iznimno rijetkim okolnostima, da pitanje ne treba priopćiti u našem izvještaju jer se razumno može očekivati da bi negativne posljedice priopćavanja nadmašile dobrobiti javnog interesa od takvog priopćavanja.


Edin Mehic, ovlašteni revizor

REVIFORM d.o.o. Sarajevo

Sarajevo, 30. maja 2023. godine




Alma Jahic, direktor

KONSOLIDOVANI IZVJEŠTAJ O UKUPNOM REZULTATU

za period koji završava 31.12.2022. godine

(KM)	Napomene	2022.	2021.
Prihodi iz ugovora sa povezanim stranama	5	139.098	137.610
Prihodi iz ugovora sa nepovezanim stranama na domaćem tržištu	6	483.047	229.365
Prihodi iz ugovora sa nepovezanim stranama na inostranom tržištu	7	595.988	672.772
Ukupno prihodi iz ugovora s kupcima		1.218.133	1.039.747
Ostali prihodi i dobici	8	1.578.561	1.492.381
Ukupno prihodi		2.796.694	2.532.128
Nabavna vrijednost prodate robe	9	(153.419)	(57.864)
Promjene na zalihama gotovih proizvoda, poluproizvoda i proizvodnje u toku	10	(728)	(22.967)
Troškovi sirovina i materijala	11	(359.475)	(457.877)
Troškovi energije i goriva	12	(38.857)	(35.601)
Troškovi plaća i ostalih ličnih primanja	13	(489.400)	(476.404)
Amortizacija	14	(77.705)	(80.707)
Troškovi primljenih usluga	15	(266.256)	(102.436)
Ostali poslovni rashodi i troškovi	16	(45.265)	(52.212)
Ukupno poslovni rashodi		(1.431.105)	(1.286.068)
Ostali rashodi i gubici	17	(118.280)	(153.708)
Ukupno rashodi		(1.549.385)	(1.439.776)
Dobit iz redovnog poslovanja		1.247.309	1.092.352
Dobit od obustavljenog poslovanja		-	2
Neto dobit perioda	18	1.247.309	1.092.354

Napomene u nastavku su sastavni dio ovih konsolidovanih finansijskih izvještaja.

KONSOLIDOVANI IZVJEŠTAJ O FINANSIJSKOM POLOŽAJU

na dan 31. decembra 2022.

(KM)	Napomene	2022.	2021.
<u>IMOVINA</u>			
Dugoročna imovina			
Materijalna imovina	19	2.972.073	3.027.778
Dugoročni finansijski plasmani i razgraničenja	20	33.215.237	33.080.447
Ukupno dugoročna imovina		36.187.310	36.108.225
Kratkoročna imovina			
Zalihe	21	331.436	305.921
Potraživanja od kupaca	22	21.199	82.095
Novac i novčani ekvivalenti	23	662.132	122.801
Akontacije poreza na dobit	24	10.607	10.607
Ostala imovina i potraživanja, uključujući razgraničenja	25	2.756.520	2.777.866
Ukupno kratkoročna imovina		3.781.894	3.299.290
UKUPNO IMOVINA		39.969.204	39.407.515
<u>KAPITAL I OBAVEZE</u>			
Kapital			
Dionički kapital	26	27.497.010	27.497.010
Statutarne rezerve	26	1.097.799	879.450
Dobit	26	6.670.040	5.641.079
Ukupno kapital		35.264.849	34.017.539
Dugoročne obaveze			
Obaveze po uzetim kreditima	27	3.248.442	4.196.715
Ukupno dugoročne obaveze		3.248.442	4.196.715
Kratkoročne obaveze			
Finansijske obaveze po amortizovanom trošku	28	1.432.504	1.170.324
Ostale obaveze uključujući i razgraničenja	29	23.409	22.937
Ukupno kratkoročne obaveze		1.455.913	1.193.261
UKUPNO KAPITAL I OBAVEZE		39.969.204	39.407.515

Napomene u nastavku su sastavni dio ovih konsolidovanih finansijskih izvještaja.

Prikazani finansijski izvještaji odobreni su dana 30. maja 2023. godine

Direktor
Kenan Tashman

KONSOLIDOVANI IZVJEŠTAJ O GOTOVINSKIM TOKOVIMA

na dan 31. decembra 2022. godine

<i>(KM)</i>	2022.	2021.
GOTOVINSKI TOKOVI IZ POSLOVNIH AKTIVNOSTI		
Prilivi od kupaca	1.287.930	1.201.218
Odlivi po osnovu plaćanja zaposlenima	(438.596)	(437.253)
Odlivi po osnovu plaćanja dobavljačima, po osnovu poslovnih aktivnosti	(960.737)	(728.250)
Odlivi po osnovu ostalih troškova, nastalih po osnovu poslovnih aktivnosti	(94.356)	(102.620)
Ostali prilivi iz poslovnih aktivnosti	106.693	81.309
Neto gotovinski tok iz poslovnih aktivnosti	(99.066)	14.404
GOTOVINSKI TOKOVI IZ ULAGAČKIH AKTIVNOSTI		
Odlivi po osnovu kupovine nekretnina, postrojenja i opreme	(22.000)	-
Primljene dividende	1.364.183	-
Neto gotovinski tok iz ulagačkih aktivnosti	1.342.183	-
GOTOVINSKI TOKOVI IZ FINANSIJSKIH AKTIVNOSTI		
Otplata glavnice uzetih kredita	(587.454)	(377.029)
Otplata kamate po uzetim kreditima	(116.332)	(131.726)
Neto gotovinski tok iz finansijskih aktivnosti	(703.786)	(508.755)
NETO POVEĆANJE / (SMANJENJE) GOTOVINE	539.331	(494.351)
Gotovina na početku izvještajnog perioda	122.801	617.152
Gotovina na kraju izvještajnog perioda	662.132	122.801

Napomene u nastavku su sastavni dio ovih konsolidovanih finansijskih izvještaja.

KONSOLIDOVANI IZVJEŠTAJ O PROMJENAMA U KAPITALU
za period koji završava 31.12.2022. godine

<i>(U KM)</i>	Osnovni kapital	Ostale rezerve	Neraspoređena dobit / nepokriveni gubitak	Ukupno
Stanje 31. decembra 2021.	27.497.010	879.450	5.641.079	34.017.539
Neto dobit perioda iskazan u bilansu uspjeha	-	-	1.247.309	1.247.309
Neto dobiti / gubici perioda priznati direktno u kapitalu	-	218.349	(218.348)	1
Stanje 31. decembra 2022.	27.497.010	1.097.799	6.670.040	35.264.849

Napomene u prilogu su sastavni dio ovih konsolidovanih finansijskih izvještaja.

NAPOMENA 1. OSNOVNI PODACI

1.1 Podaci o matičnom društvu i njegova osnovna djelatnost i aktivnost

Uvod

UNIS – Udružena metalna industrija Sarajevo (UNIS d.d.) je osnovan 1968. godine integracijom četiri metaloprerađivačka preduzeća iz oblasti vojne industrije i upisan je u registar kod Okružnog suda u Sarajevu Rješenjem broj Fi-191/69 od 31. marta 1969. godine.

Društvo UNIS – Udružena metalna industrija Sarajevo (UNIS d.d.) je tokom svog postojanja, a nakon izvršenih reorganizacija, održalo pravni kontinuitet.

Sjedište društva UNIS – Udružena metalna industrija d.d. Sarajevo je u ulici Envera Šehovića broj 54, Sarajevo, Novo Sarajevo.

Osnovni kapital Društva na dan 31.12.2022. godine čini 2.569.814 dionica pojedinačne nominalne vrijednosti od KM 10,70 što iznosi KM 27.497.009,80.

Na dan 31.12.2022. godine dionički kapital je vlasništvu 219 dioničara kako slijedi:

- Gradašćević Behada	88,08 %
- Raiffeisen Bank d.d. BiH	6,48 %
- ZIF HERBOS FOND d.d.	1,6748 %
- OIF MONETA	1,4787 %
- UNIS FAGAS d.o.o.	0,4826 %
- Unis Elektronik d.d.	0,1667 %
- Unis PSC d.d.	0,1462 %
- Unis Kovina d.d.	0,0915 %
- Alibegović Enver	0,0641 %
- Prevent Fad d.d.	0,0636 %
- Ostali dioničari	1,2718 %

Djelatnost Društva

Osnovna djelatnost Društva je strojna obrada metala.

Šifra djelatnosti je 28.520 (25.62).

ID broj: 4200683450000.

Organi Društva

Skupština Društva

Skupštinu Društva čine svi dioničari koji se u listi dioničara u Registru vrijednosnih papira nalaze 30 dana prije datuma održavanja Skupštine.

Nadzorni odbor

Nadzorni odbor čine predsjednik i dva člana. Nadzorni odbor se imenuje na period od četiri godine.

Na zasjedanju 20. Skupštine, koja je održana dana 28.06.2019. godine, na četverogodišnji mandat imenovani su članovi Nadzornog odbora kako slijedi:

- Behada Gradašćević, predsjednik
- Alen Gradašćević, član
- Erdal Selmanović, član

Odbor za reviziju

Na zasjedanju vanredne Skupštine, koja je održana dana 24.12.2020. godine, imenovani su članovi Odbora za reviziju kako slijedi:

- Mira Kovačević – Aganović,
- Nedžmina Solak,
- Amer Kovač.

Uprava

Kenan Taslaman, direktor

Podaci o zavisnim društvima i drugim povezanim licima (unutar grupe za konsolidaciju)

1.2 UNITIC d.o.o.

UNITIC - Ujedinjena investiciona i trgovačka kompanija Sarajevo, društvo sa ograničenom odgovornošću, osnovano je Ugovorom o osnivanju zaključenim 12.08.1998. godine, kao i naknadno zaključenim Anexima Ugovora, između stranog ulagača "Kuwait Consulting & Investment Co." (KCIC), a od 2008. godine "Kuwait Investment Authority" (KIA) i domaćeg ulagača Holding preduzeća UNIS d.d. (od 2002. godine UNIS - Udružena metalna industrija d.d. Sarajevo).

Društvo UNITIC d.o.o. je dana 07.09.1998. godine upisano u sudski registar kod Kantonalnog suda u Sarajevu, pod registarskim brojem 1-21094, Rješenjem broj: UF/I-2023/98. Naknadnim Rješenjem, registrovane su promjene vrijednosti vlasničkog kapitala.

Na dan 31.12.2022. godine registrirani kapital Društva iznosio je KM 55.717.651,48.

Vlasnička struktura na dan 31.12.2022. godine	%
- KIA - Kuwait Investment Authority	50
- UNIS - Udružena metalna industrija d.d. Sarajevo	50

Osnovna djelatnost društva je investicije u nekretnine, trgovina nekretninama i usluge.

Šifra djelatnosti prema KD BiH 2010: 68.20 - iznajmljivanje i upravljanje vlastitim nekretninama ili nekretninama uzetim u zakup (leasing).

Šifra djelatnosti prema KD je 70.200.

Direktor društva je Samir Šečić.

Nadzorni odbor

Odlukom Skupštine društva br. 05/20 od 10.06.2020. godine za članove Nadzornog odbora UNITIC d.o.o. imenovani su:

- Sameeha Al - Humaidhi
- Alen Gradašćević
- Dalal Al Mudaf
- Hadeel F M H Boukhadour
- Bader F. Al Qattan
- Kenan Taslaman
- Nejra Ramić

Članovi Nadzornog odbora imenovani su na period od četiri godine. Dana 24.03.2021.godine gđa Sameeha Al-Humaidhi podnijela ostavku na članstvo u Nadzornom odboru UNITIC-a Sarajevo.

1.3 UNIS – FAGAS d.o.o.

Društvo „UNIS - FAGAS“ Fabrika gasnih aparata d.o.o. Sarajevo upisano je u Sudski registar Kantonalnog suda u Sarajevu 27. februara 2003. godine sa sjedištem u Rajlovcu, Rajlovačka bb, rješenjem broj: UF/I-1602/02, registarski broj 1-17872. Izvršeno je usklađivanje djelatnosti sa Odlukom o standardnoj klasifikaciji djelatnosti, pristupanje novih osnivača i promjena osnivačkih udjela.

U skladu sa aktuelnim izvodom iz Sudskog registra broj: 065-0-RegZ-23-002509 od dana 13.03.2023. godine, upisani su podaci kako slijedi:

Firma: „UNIS - FAGAS“ Fabrika gasnih aparata d.o.o. Sarajevo

Skraćena oznaka firme: UNIS - FAGAS d.o.o. Sarajevo

Sjedište: ul. Rajlovačka bb, Rajlovac

MBS: 65-01-0264-12 (stari broj 1-26173)

JIB: 4200580560001

PDV broj: 200580560001

Na datum bilansa registrirani kapital društva „UNIS – FAGAS“ iznosio je KM 2.136.304,98 (2021. godine KM 2.136.304,98) po osnivačima:

UNIS – Udružena metalna industrija d.d. Sarajevo	49,6021 %
Brutus Mustafa	11,7717 %
Gradašćević Behada	26,8545 %
Mulabegović Bagzada	11,7717 %

Društvo ima registriran ogranak u RS i to:

„UNIS – FAGAS“ d.o.o. Sarajevo – Ogranak Novi Sad, (MRB: 29506108, PIB: 108943557).

Djelatnost društva

Osnovna djelatnost „UNIS – FAGAS“ d.o.o. Sarajevo je proizvodnja instrumenata i aparata za mjerenje, ispitivanje i navođenje – šifra podrazreda djelatnosti 26.51.

Organizacijska struktura društva

Prema Pravilniku o unutrašnjoj organizaciji i sistematizaciji radnih mjesta osnovne oblike organizovanosti društva čine Skupština, Nadzorni odbor, Uprava i sektori.

Skupština društva

Skupštinu društva „UNIS – FAGAS“ d.o.o. čine svi članovi Društva.

Nadzorni odbor

- Gradašćević Behada – predsjednica;
- Taslaman Kenan – član;
- Mulabegović – Mosbah Amna – član.

Zastupanje društva

Rješenjem Općinskog Suda u Sarajevu o izmjenama podataka broj 065-0-Reg-15-002665 od 14. augusta 2015. godine imenovane su sljedeće osobe za zastupanje društva:

Direktor

- Gradašćević Alen – direktor bez ograničenja

Prokurist

- Hodžić Semir

NAPOMENA 1. VREMENSKA NEOGRANIČENOST POSLOVANJA

Finansijski izvještaji su pripremljeni pod pretpostavkom vremenske neograničenosti poslovanja što podrazumijeva da će Koncern biti sposoban realizirati potraživanja i podmiriti obaveze u normalnom toku poslovanja.

NAPOMENA 2. USVAJANJE NOVIH I IZMIJENJENIH RAČUNOVODSTVENIH STANDARDARDA

Standardi i tumačenja koje je objavio Odbor za Međunarodne računovodstvene standarde ('IASB') koji su na snazi za tekuće izvještajno razdoblje:

Sljedeći izmijenjeni standardi stupili su na snagu od 1. januara 2021. godine, ali nisu imali materijalni uticaj na finansijske izvještaje UNIS Koncerna:

- MRS 16 „Nekretnine, postrojenja i oprema“ – Prihodi prije namjeravane upotrebe (na snazi za godišnje razdoblja koje počinju na dan ili nakon 01.01.2022.);
- MRS 37 „Rezervisanja, potencijalne obaveze i potencijalna imovina“ – izmjene vezane uz Štetne ugovore – troškovi ispunjenja ugovornih obaveza (na snazi za godišnja razdoblja koja počinju na dan ili nakon 01.01.2022.);
- MSFI 1 „Prva primjena IFRS-eva“ – izmjene vezane za godišnja poboljšanja i dorade MSFI-jeva ciklus 2018-2020 (na snazi za periode koji počinju na dan ili nakon 01.01.2022.);
- MSFI 3 „Poslovna spajanja“ – izmjene vezane za Poziv na konceptualni okvir s izmjenama MSFI-a (na snazi za godišnja razdoblja koja počinju na dan ili nakon 01.01.2022.);
- MSFI 9 „Finansijski instrumenti“ – izmjene vezane za godišnja poboljšanja MSFI-jeva ciklus 2018-2020 (na snazi za razdoblja koja počinju na dan ili nakon 01.01.2022.);
- MSFI 16 „Najmovi“ – izmjene vezane za godišnja poboljšanja MSFI-jeva ciklus 2018-2020 (na snazi za razdoblja koja počinju na dan ili nakon 01.01.2022.).

Uprava UNIS Koncerna predviđa da usvajanje navedenih novih standarda i izmjene postojećih standarda neće imati značajan utjecaj na finansijske izvještaje u razdoblju njihove prve primjene.

NAPOMENA 3. SAŽETAK ZNAČAJNIH RAČUNOVODSTVENIH POLITIKA

Slijedi prikaz značajnih računovodstvenih politika usvojenih za pripremu ovih konsolidovanih finansijskih izvještaja. Ove računovodstvene politike dosljedno su primjenjivane za sva razdoblja uključena u ove izvještaje, osim tamo gdje je drugačije navedeno.

3.1 Osnova prezentiranja

Konsolidovani finansijski izvještaji UNIS Koncerna sastavljeni su sukladno Međunarodnim standardima finansijskog izvještavanja (MSFI), primjenom metode historijskog troška, osim ako je drugačije izloženo u računovodstvenim politikama niže.

Sastavljanje konsolidovanih finansijskih izvještaja sukladno Međunarodnim standardima finansijskog izvještavanja (MSFI) zahtijeva upotrebu određenih ključnih računovodstvenih procjena. Također se od Uprave zahtijeva da se služi prosudbama u procesu primjene računovodstvenih politika Koncerna.

Napomene uz konsolidovane finansijske izvještaje

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.1 Osnova prezentiranja (nastavak)**

Finansijski izvještaji prezentirani su u konvertibilnim markama (KM). Na dan 31. decembra 2021. godine kurs za 1 EUR iznosi KM 1,95583 (2020.: KM 1,95583).

3.2 Procjena fer vrijednosti

Fer vrijednost finansijskih instrumenata kojima se trguje na aktivnim tržištima temelji se na kotiranim tržišnim cijenama na dan izvještavanja. Kotirana tržišna cijena koja se koristi za utvrđivanje fer vrijednosti finansijske imovine predstavlja tekuću cijenu ponude. Fer vrijednost finansijskih instrumenata kojima se ne trguje na aktivnom tržištu određena je uporabom tehnika procjena vrijednosti. UNIS Koncern koristi razne metode i utvrđuje pretpostavke koje se temelje na tržišnim uvjetima na dan izvještavanja.

Knjigovodstvena vrijednost potraživanja od kupaca umanjena za ispravak vrijednosti i obaveza prema dobavljačima uglavnom odgovara njihovoj fer vrijednosti.

Za dugoročni dug koriste se tržišne cijene za slične instrumente na aktivnom tržištu. Za potrebe objavljivanja, fer vrijednost finansijskih obaveza procjenjuje se diskontiranjem budućih ugovornih novčanih tokova po tekućoj tržišnoj kamatnoj stopi koja je dostupna za slične finansijske instrumente.

Hijerarhija fer vrijednosti

MSFI 13 utvrđuje hijerarhiju tehnika procjene vrijednosti na temelju vidljivosti ili nevidljivosti inputa. Vidljivi inputi odražavaju tržišne podatke iz neovisnih izvora; nevidljivi inputi odražavaju tržišne pretpostavke UNIS Koncerna. Ove dvije vrste inputa stvaraju sljedeću hijerarhiju fer vrijednosti:

- Nivo 1 ulazni podaci su kotirane cijene (nekorigovane) na aktivnim tržištima za identičnu imovinu ili obaveze kojima UNIS Koncern može pristupiti na datum mjerenja; pokazatelji fer vrijednosti su izvedeni iz cijena koje kotiraju na aktivnim tržištima;
- Nivo 2 ulazni podaci, osim onih kotiranih cijena koje su uključene u Nivo 1, koji su uočljivi za imovinu ili obaveze, bilo direktno ili indirektno; i
- Nivo 3 ulazni podaci za imovinu ili obaveze su neuočljivi ulazni podaci.

3.3 Značajne računovodstvene prosudbe i procjene

Sastavljanje finansijskih izvještaja u skladu sa MSFI zahtijeva od Uprave korištenje prosudbi, procjena i pretpostavki koje utječu na primjenu računovodstvenih politika, te objavljene iznose imovine, obaveza, prihoda i rashoda.

UNIS Koncern vrši procjene i pretpostavke o neizvjesnim događajima, uključujući procjene i pretpostavke o budućnosti. Takve računovodstvene procjene i pretpostavke su redovito ocjenjivane te se temelje na prošlim iskustvima i ostalim faktorima kao što je očekivani tok budućih događanja koji su razboriti u određenim uvjetima, međutim, ipak predstavljaju izvore procjenjivačke neizvjesnosti. Procjene i pretpostavke koje uključuju značajne rizike koji bi mogli dovesti do materijalnih usklađivanja knjigovodstvene vrijednosti imovine i obaveza unutar iduće finansijske godine opisane su u nastavku.

Procjene se koriste na, ali nisu ograničene, amortizirajući period i rezidualnu vrijednost nekretnina, postrojenja i opreme kao i nematerijalnih sredstava i rezerviranja za sumnjiva potraživanja. Budući događaji i njihovi efekti ne mogu biti uočeni sa sigurnošću. Shodno tome, napravljene računovodstvene procjene treba da se preispitaju i primjene prilikom pripreme finansijskih izvještaja ako je došlo do promjene okolnosti. Stvarni rezultat može se razlikovati od procijenjenog.

Procjene i povezane pretpostavke redovno se pregledaju. Promjene računovodstvenih procjena priznaju se u periodu u kojem su procjene promijenjene, te eventualno budućim periodima, ako utiču i na njih.

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.4 Poslovna spajanja***Ulaganja u zajednički poduhvat*

UNIS Koncern ima udjel u zajedničkom poduhvatu koji je zajednički kontrolisani subjekt, a ulagači imaju zajedničku kontrolu nad ekonomskim aktivnostima subjekta. UNIS Koncern priznaje svoj udjel u zajedničkom poduhvatu koristeći metodu udjela. Finansijski izvještaji zajedničkog poduhvata pripremljeni su za isto razdoblje kao i finansijski izvještaji matice.

Ulaganja u zajednički poduhvat (nastavak)

U finansijskim izvještajima UNIS Koncerna eliminiše se udjel UNIS Koncerna u nerealiziranim dobicima i gubicima iz transakcija između UNIS Koncerna i njegovog zajednički kontrolisanog društva. Gubici iz transakcija priznaju se odmah ukoliko je iz gubitka očito do je došlo do smanjenja neto utržive vrijednosti kratkotrajne imovine ili do gubitka od umanjjenja imovine.

Ulaganje u zajednički poduhvat prestaje se priznavati od datuma kada prestaje zajednička kontrola nad zajedničkim poduhvatom.

Kad udjel UNIS Koncerna u gubicima zajedničkog poduhvata postane jednak ili veći od njegovog udjela u zajedničkom poduhvatu, daljnji gubici se ne priznaju, osim ako postoji zakonska ili izvedena obaveza ili je izvršio plaćanja u ime zajedničkog poduhvata. Nerealizirani dobiti iz transakcija između UNIS Koncerna i njegovog zajedničkog poduhvata eliminišu se do visine udjela UNIS Koncerna u zajedničkom poduhvatu. Nerealizirani gubici također se eliminiraju, osim ako transakcija pruža dokaz o umanjenju vrijednosti prenesene imovine.

Ulaganja u pridruženo društvo

U finansijskim izvještajima UNIS Koncerna ulaganja u pridruženo društvo (uobičajeno ulaganje uz vlasnički udjel u iznosu od 20% do 50% glasačkih prava) u kojima UNIS Koncern ima značajan uticaj vodi se primjenom metoda udjela umanjeno za gubitak od umanjjenja vrijednosti imovine. Prema metodi udjela, ulaganje se početno priznaje po trošku nabave, a sadašnja vrijednost se uvećava ili umanjuje za udjel u dobiti i gubitku nakon stjecanja. Procjena vrijednosti ulaganja u pridruženo pravno društvo vrši se u slučaju kada postoji naznaka da je ta vrijednost umanjena ili više ne postoje gubici od umanjjenja priznati u prethodnim razdobljima.

Kad udjel UNIS Koncerna u gubicima pridruženog društva postane jednak ili veći od njegovog udjela u pridruženom društvu, daljnji gubici se ne priznaju, osim ako postoji zakonska ili izvedena obaveza ili je izvršio plaćanja u ime pridruženog društva. Nerealizirani dobiti iz transakcija između UNIS Koncerna i njegovog pridruženog društva eliminišu se do visine udjela UNIS Koncerna u pridruženom društvu. Nerealizirani gubici također se eliminiraju, osim ako transakcija pruža dokaz o umanjenju vrijednosti prenesene imovine.

3.5 Strane valute

Transakcije u stranoj valuti početno se knjiže korištenjem kursa Centralne banke Bosne i Hercegovine na dan transakcije.

Kursne razlike nastale preračunavanjem na monetarnim stavkama ili od izvještajnih monetarnih stavki po kursu različitom od kursa po kojem su početno priznati tokom godine, ili evidentirane u prethodnim godinama, iskazuju se kao dobiti i gubici u godini u kojoj su nastali.

Kursne razlike nastale na monetarnim stavkama koje predstavljaju neto ulaganja izvještajnog subjekta priznaju se kao komponenta kapitala ili rezervi.

Finansijski izvještaji prezentirani su u konvertibilnim markama (KM). Na dan 31. decembra 2022. godine kurs za 1 EUR iznosi KM 1,95583 (2021.: KM 1,95583).

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.6 Nematerijalna imovina**

Nematerijalna imovina se vrednuje po trošku nabavke i amortizuje linearno tokom njenog korisnog vijeka trajanja.

3.7 Nekretnine, postrojenja i oprema

Sva imovina, postrojenja i oprema iskazana je po trošku nabave umanjenom za akumuliranu amortizaciju. Trošak nabave uključuje sve direktne troškove dovođenja imovine u funkciju za koju je namijenjena. Trošak nabave također uključuje kapitalisanu kamatu po osnovu kredita za nabavku materijalnih sredstava dok se ta sredstva nalaze u fazi izgradnje.

Naknadni izdaci uključuju se u knjigovodstvenu vrijednost imovine ili se, po potrebi, priznaje kao zasebna imovina samo ako će UNIS Koncern imati buduće ekonomske koristi od spomenute imovine, te ako se trošak imovine može pouzdano mjeriti. Knjigovodstvena vrijednost zamijenjenog dijela prestaje se priznavati. Svi ostali troškovi održavanja terete odvojeni izvještaj o sveobuhvatnoj dobiti u finansijskom razdoblju u kojem su nastali.

Amortizacija materijalnih sredstava u upotrebi obračunata je po linearnoj metodi.

Za zemljište i materijalna sredstva u pripremi ne obračunava se amortizacija.

Preostala vrijednost imovine predstavlja procijenjeni iznos koji bi UNIS Koncern trenutno dobio od prodaje imovine umanjen za procijenjeni trošak prodaje u slučaju da je imovina dosegla starost i stanje koje se očekuje na kraju vijeka trajanja imovine. Preostala vrijednost imovine i korisni vijek upotrebe provjeravaju se na svaki izvještajni datum i po potrebi usklađuju.

Dobici i gubici nastali prodajom utvrđeni su kao razlika između prihoda od prodaje i knjigovodstvene vrijednosti prodatog sredstva te se priznaju unutar dobiti ili gubitka u sklopu ostalih prihoda/troškova.

3.8 Umanjenje vrijednosti nefinansijske imovine

Na dan bilansa stanja, UNIS Koncern vrši provjeru neto knjigovodstvene vrijednosti svoje nefinansijske imovine (osim zaliha i odgođenih poreza) kako bi utvrdio da li postoje indikacije da je došlo do umanjenje vrijednosti tih sredstava. Ako takve indikacije postoje, neto nadoknadivi iznos sredstava se procjenjuje u cilju utvrđivanja razmjera umanjenja imovine (ako postoje). Kada nije moguće procijeniti nadoknadivi iznos pojedinačnog sredstva, UNIS Koncern procjenjuje nadoknadivi iznos proizvodne jedinice kojoj sredstvo pripada.

Nadoknadivi iznos je veći od neto prodajne cijene ili vrijednosti u upotrebi. Prilikom izračunavanja vrijednosti u upotrebi procijenjeni budući novčani tokovi su diskontovani na sadašnju vrijednost koristeći diskontnu stopu prije oporezivanja koja odražava trenutne tržišne procjene vremenske vrijednosti novca i rizika koji je specifičan za sredstvo.

Ako je nadoknadivi iznos sredstva (ili proizvodne jedinice) procijenjen na manji iznos od njegove knjigovodstvene vrijednosti, knjigovodstvena vrijednost sredstva (ili proizvodne jedinice) se umanjuje na njegov nadoknadivi iznos. Gubici po umanjenju imovine se priznaju kao trošak odmah, osim ako je sredstvo u pitanju zemljište ili građevina koji nisu u pripremi, a knjiženi su u revalorizovanom iznosu, u kojem slučaju gubitak po umanjenju imovine se tretira kao umanjenje revalorizacije.

Kada se gubitak po umanjenju imovine poništi, knjigovodstvena vrijednost sredstva (proizvodne jedinice) se povećava na promijenjenu procijenjenu nadoknadivu vrijednost, ali tako da povećana knjigovodstvena vrijednost ne prevaziđe knjigovodstvenu vrijednost koja bi bila određena da gubitak po umanjenju imovine nije nastao za sredstvo (proizvodnu jedinicu) u prethodnim godinama. Poništenje gubitka po umanjenju imovine odmah se priznaje kao prihod, osim ako je sredstvo knjiženo u revalorizovanom iznosu, i u tom slučaju promjena gubitka po umanjenju imovine se tretira kao povećanje revalorizacije.

Napomene uz konsolidovane finansijske izvještaje

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)

3.9 Finansijska imovina

3.9.1 Klasifikacija

UNIS Koncern klasificira svoju finansijsku imovinu u sljedeće kategorije: finansijska imovina po fer vrijednosti u računu dobiti i gubitka, finansijska imovina po fer vrijednosti u ostaloj sveobuhvatnoj dobiti i finansijska imovina po amortiziranom trošku. Klasifikacija ovisi o svrsi za koju je finansijska imovina stečena. Uprava klasificira finansijsku imovinu kod početnog priznavanja i procjenjuje tu klasifikaciju na svaki datum izvještavanja.

(a) Finansijska imovina po fer vrijednosti u dobiti i gubitku

Ova kategorija uključuje finansijsku imovinu namijenjenu trgovanju. Finansijska imovina se klasificira u ovu kategoriju ako je stečena prvenstveno u svrhu prodaje u kratkom roku ili ako je tako određeno od strane Uprave. Imovina u ovoj kategoriji klasificirana je kao kratkotrajna imovina osim derivativnih finansijskih instrumenata.

(b) Finansijska imovina po fer vrijednosti u ostaloj sveobuhvatnoj dobiti

UNIS Koncern mjeri finansijsku imovinu po fer vrijednosti kroz ostalu sveobuhvatnu dobit ako su oba sljedeća uvjeta zadovoljena:

- Finansijska imovina se drži unutar poslovnog modela s ciljem držanja finansijske imovine radi naplate ili prodaje ugovornih novčanih tokova;
- Ugovoreni uvjeti finansijske imovine proizlaze na određene datume za novčane tokove koji su isključivo plaćanje glavnice i kamata na nepodmireni iznos glavnice.

Za dužničke instrumente po fer vrijednosti kroz sveobuhvatnu dobit, prihode od kamata, tečajne razlike, ispravke vrijednosti ili ukidanja ispravaka vrijednosti priznaju se u računu dobiti i gubitka i izračunavaju se na isti način kao i za finansijsku imovinu mjerenu po amortiziranom trošku. Preostale promjene fer vrijednosti priznaju se u ostaloj sveobuhvatnoj dobiti. Nakon prestanka priznavanja, kumulativna promjena fer vrijednosti priznata u ostaloj sveobuhvatnoj dobiti reciklira se kroz dobit ili gubitak.

(c) Finansijska imovina po amortiziranom trošku

UNIS Koncern mjeri finansijsku imovinu prema amortiziranom trošku ako su oba sljedeća uvjeta zadovoljena:

- Finansijska imovina se drži unutar poslovnog modela s ciljem držanja finansijske imovine radi naplate ugovornih novčanih tokova;
- Ugovorni uvjeti finansijske imovine proizlaze na određene datume za novčane tokove koji su isključivo plaćanje glavnice i kamata na nepodmireni iznos glavnice.

Finansijska imovina po amortiziranom trošku naknadno se mjeri metodom efektivne kamatne stope i podložna je umanjenju vrijednosti. Dobici i gubici priznaju se u računu dobiti i gubitka kada se imovina prestane priznavati, promijeni se ili se umanj. Finansijska imovina po amortiziranom trošku uključuje potraživanja od kupaca.

3.9.2 Mjerenje i priznavanje

Sva kupljena i prodana finansijska imovina priznaje se na datum transakcije, tj. na datum na koji se UNIS Koncern obavezao kupiti ili prodati sredstvo. Ulaganja se početno priznaju po fer vrijednosti uvećanoj za troškove transakcije za cjelokupnu finansijsku imovinu koja nije iskazana po fer vrijednosti u računu dobiti i gubitka. Finansijska imovina iskazana po fer vrijednosti u računu dobiti i gubitka početno se priznaje po fer vrijednosti, a trošak transakcije iskazuje se u izvještaju o sveobuhvatnoj dobiti. Finansijska imovina se prestaje priznavati kada isteknu ili su prenesena prava na primitak novčanih tokova od ulaganja ili kada je UNIS Koncern

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.9 Finansijska imovina (nastavak)****3.9.2 Mjerenje i priznavanje (nastavak)**

prenio sve bitne rizike i koristi vlasništva. Krediti i potraživanja početno se priznaju po fer vrijednosti, a naknadno su mjereni po amortiziranom trošku primjenom metode efektivne kamatne stope.

Dobici i gubici nastali iz promjena u fer vrijednosti finansijske imovine po fer vrijednosti u računu dobiti i gubitka iskazuju se u izvještaju o sveobuhvatnoj dobiti u okviru 'ostalih (gubitaka)/dobitaka – neto' u razdoblju u kojem su nastali.

Kamate na vrijednosnice koje su izračunate primjenom metode efektivne kamatne stope iskazuju se u izvještaju o sveobuhvatnoj dobiti kao dio ostalih prihoda. Dividende na vlasničke vrijednosnice iskazuju se u izvještaju o sveobuhvatnoj dobiti kao dio ostalih prihoda kada je ustanovljeno pravo na isplatu dividende.

Fer vrijednosti ulaganja koja kotiraju na berzi temelje se na tekućim cijenama ponude. Ako tržište za neko finansijsko sredstvo nije aktivno (kao i za vrijednosnice koje ne kotiraju), UNIS Koncern utvrđuje fer vrijednost pomoću tehnika procjene vrijednosti koje uzimaju u obzir nedavne transakcije pod uobičajenim trgovačkim uvjetima te usporedbu s drugim sličnim instrumentima, maksimalno iskorištavajući tržišne informacije te se minimalno oslanjajući na informacije specifične za poslovni subjekt.

3.9.3 Umanjenje vrijednosti finansijske imovine

UNIS Koncern priznaje ispravak vrijednosti za očekivane kreditne gubitke (eng. Expected credit loss ili ECL) za sve dužničke instrumente koji se ne vode po fer vrijednosti kroz račun dobiti i gubitka. Očekivani kreditni gubici se temelje na razlici između ugovornih novčanih tokova koji su dospjeli u skladu s ugovorom i svih novčanih tokova koje UNIS Koncern očekuje da će dobiti.

Očekivani kreditni gubici se prepoznaju u dvije faze. Za kreditne izloženosti za koje nije došlo do značajnog povećanja kreditnog rizika od početnog priznavanja, očekivani kreditni gubici se priznaju za kreditne gubitke koji proizlaze iz neplaćenih događaja koji su mogući u sljedećih 12 mjeseci (očekivani kreditni gubici za 12 mjeseci). Za one kreditne izloženosti kod kojih je došlo do značajnog povećanja kreditnog rizika od početnog priznavanja, potreban je ispravak za očekivane kreditne gubitke tokom preostalog vijeka trajanja izloženosti, bez obzira na vrijeme zaduživanja (doživotni očekivani kreditni gubici).

Za potraživanja od kupaca i ugovornu imovinu, UNIS Koncern primjenjuje simplifikirani pristup u kalkulaciju očekivanih kreditnih gubitaka. UNIS Koncern ne prati promjene kreditnog rizika već priznaje ispravak vrijednosti na temelju očekivanog doživotnog očekivanog kreditnog gubitka na kraju svakog izvještajnog razdoblja.

Finansijska imovina se otpisuje kada ne postoji razumno očekivanje naplate.

Prestanak priznavanja finansijske imovine

UNIS Koncern prestaje priznavati finansijsko sredstvo samo ako je isteklo ugovorno pravo na novčane tokove po osnovi sredstava, ako finansijsko sredstvo prenese i ako svi rizici i sve nagrade povezane s vlasništvom nad tim sredstvom većim dijelom prelaze na drugi subjekt. Ako UNIS Koncern ne prenosi niti zadržava gotovo sve rizike i nagrade povezane s vlasništvom i ako i dalje ima kontrolu nad prenesenim sredstvom, priznaje zadržani udjel u sredstvu te povezanu obavezu u iznosima koje eventualno mora platiti. Ako UNIS Koncern zadrži većim dijelom sve rizike i nagrade povezane s vlasništvom nad prenesenim finansijskim sredstvom, to sredstvo nastavlja priznavati, zajedno s priznavanjem posudbe za koju je dan kolateral, a koja je dobivena za prihode koje je primila.

3.10 Finansijske obaveze

Finansijske obaveze klasifikuju se kao "finansijske obaveze po fer vrijednosti kroz bilans uspjeha" ili "ostale finansijske obaveze".

Napomene uz konsolidovane finansijske izvještaje

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.10 Finansijske obaveze (nastavak)***(a) Ostale finansijske obaveze*

Ostale finansijske obaveze, uključujući i obaveze po kreditima, se početno priznaju po fer vrijednosti umanjenoj za transakcijske troškove. Ostale finansijske obaveze su naknadno mjerene po amortiziranom trošku koristeći metodu efektivne kamatne stope.

Metoda efektivne kamate je metoda izračunavanja troškova amortizacije finansijske obaveze i određivanja troška kamate za relevantni period. Efektivna kamatna stopa je stopa koja tačno diskontuje procijenjena buduća plaćanja u gotovini kroz očekivano trajanje finansijske obaveze, ili, gdje je to moguće, u kraćem periodu.

Metoda efektivne kamate jest metoda kojom se računa amortizirani trošak finansijske imovine, a kamatni troškovi raspoređuju se tokom relevantnog razdoblja. Efektivna kamatna stopa jest stopa kojom se procijenjene buduće novčane isplate diskontiraju tokom očekivanog vijeka trajanja finansijske obaveze ili kraćeg razdoblja ako je primjenjivo.

(b) Prestanak priznavanja finansijskih obaveza

UNIS Koncern prestaje priznavati finansijske obaveze onda i samo onda kada su obaveze podmirene, poništene ili su istekle.

3.11 Najmovi

Prihodi od poslovnog najma se priznaju kao prihod na ravnomjernoj osnovi tokom vremena trajanja najma. Svi troškovi nastali kod ostvarivanja prihoda od najma, uključujući troškove amortizacije, priznaju se kao rashod.

3.12 Zalihe

Zalihe se iskazuju po trošku nabave ili neto ostvarivoj vrijednosti, ovisno o tome koja je niža.

Nabavna vrijednost zaliha obuhvata sve troškove nabave, troškove konverzije i druge troškove koji su nastali vezano za nabavu robe i izračunava se na temelju ponderisanih prosječnih nabavnih cijena. Neto ostvariva vrijednost predstavlja procjenu prodajne cijene u redovnom toku poslovanja umanjenu za varijabilne troškove prodaje.

U trošak nabave trgovačke robe uključeni su svi popusti koji se mogu direktno pripisati nabavci, a za iste ne postoji protuusluga od strane UNIS Koncerna.

Stvarima sitnog inventara smatraju se predmeti prema vrijednosnom kriteriju u vrijednosti manjoj od KM 1.000,00, te prema karakteristikama i vijeku trajanja do godinu dana. Sitni inventar u potpunosti se otpisuje prilikom stavljanja u upotrebu.

Trošak nabavne vrijednosti priznaje se kao rashod perioda kada i prihod. Nabavna vrijednost / cijena koštanja zaliha utvrđuje se primjenom ponderisanog prosječnog troška.

Dodatna poboljšanja odobrena od dobavljača priznaju se kao prihod.

Iznos bilo kojeg otpisivanja zaliha do neto prodajne vrijednosti i svi gubici na zalihama se priznaju kao rashod perioda kad je izvršen otpis ili kada je nastao gubitak, kada se zalihe vode po trošku nabavke. Za zalihe koje se vode po prodajnim cijenama (maloprodaja), njihov otpis do nivoa troška priznaje se na teret razlike u cijeni, a iznos koji se odnosi na otpis zaliha ispod troška nabavke priznaje se kao rashod perioda.

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.13 Potraživanja od kupaca i ostala potraživanja**

Potraživanja od kupaca su iznosi koji se odnose na prodane proizvode, robe i usluge obavljene u redovnom poslovanju i iskazuju se u iznosima za koje se očekuje da će biti naplaćeni. Potraživanja od kupaca početno se priznaju po fer vrijednosti, a naknadno se mjere po amortiziranom trošku upotrebom metode efektivne kamatne stope, umanjenom za ispravak vrijednosti.

Zajmovi i druga potraživanja predstavljaju nederivativnu finansijsku imovinu s fiksnim ili odredivim plaćanjem koja ne kotira na aktivnom tržištu.

Ako se naplata očekuje u roku do godine dana, potraživanja se klasificiraju kao kratkotrajna imovina. U suprotnom se klasificiraju se kao dugotrajna imovina.

U UNIS Koncernu se vrši stalna procjena naplativosti svojih potraživanja. Potraživanja koja se ne naplate u ugovorenom roku smatraju se sumnjivim, a ukoliko se utuže postaju sporna potraživanja. Značajne finansijske poteškoće dužnika, vjerojatnost dužnikovog stečaja ili finansijske reorganizacije te neizvršenje ili propusti u plaćanjima, kao i povijesna naplativost, smatraju se pokazateljima da je ispravljena vrijednost potraživanja od kupaca. Sva naknadno naplaćena potraživanja knjiže se u korist ostalih prihoda tekuće godine.

Ispravak vrijednosti potraživanja od kupaca i ostalih potraživanja provodi se kada postoje objektivni dokazi da UNIS Koncern neće moći naplatiti sva svoja potraživanja u skladu s dogovorenim uvjetima. Značajne finansijske poteškoće dužnika, vjerojatnost dužnikovog stečaja ili finansijske reorganizacije te neizvršenje ili propusti u plaćanjima, kao i povijesna naplativost, smatraju se pokazateljima da je ispravljena vrijednost potraživanja od kupaca. Vrijednost se ispravlja u skladu s procjeni naplativosti.

Potraživanja se otpisuju kada je dužnik likvidiran ili je na neki drugi način prestao poslovati, kada je po konačnoj sudskoj presudi izgubljen sudski spor ili u slučaju zastare potraživanja.

3.14 Novac i novčani ekvivalenti

Gotovina i ekvivalenti gotovine obuhvataju gotovinu u blagajni, žiro-račun i stanja na računima kod banaka. Ekvivalenti gotovine uključuju depozite banaka i ostala visokolikvidna ulaganja koja se brzo konvertuju u poznati iznos novca sa originalnim dospijanjem od tri mjeseca ili manje, i sa neznatnim rizikom promjene vrijednosti.

3.15 Obaveze prema dobavljačima

Obaveze prema dobavljačima su iznosi koji se odnose na kupljenu robu i usluge u redovnom poslovanju. Ako se plaćanje očekuje unutar godine dana, obaveza se prikazuje unutar kratkoročnih obaveza, a ako ne, onda se prikazuje unutar dugoročnih obaveza. Obaveze prema dobavljačima se početno priznaju po fer vrijednosti, a u budućim razdobljima se iskazuju po amortiziranom trošku koristeći metodu efektivne kamatne stope.

3.16 Primanja zaposlenih

UNIS Koncern, u toku poslovanja, uplaćuje u ime svojih zaposlenih penziono i zdravstveno osiguranje koje se obračunava na bruto plate, te poreze na plate koji se obračunavaju na neto plate. UNIS Koncern uplaćuje navedene doprinose u korist Federalnog penzionog i zdravstvenog fonda u toku godine po zakonom utvrđenim stopama. U skladu sa lokalnom legislativom, UNIS Koncern također isplaćuje ostale naknade. Ovi troškovi terete bilans uspjeha u periodu u kojem su nastali.

U skladu sa zakonskim propisima i odlukama Uprave, UNIS Koncern isplaćuje otpremnine prilikom odlaska u penziju.

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)**3.17 Rezervisanja**

Rezervisanja se priznaju ako UNIS Koncern ima sadašnju zakonsku ili izvedenu obavezu kao posljedicu prošlog događaja, ako je vjerovatno da će biti potreban odljev resursa radi podmirivanja obaveze te ako se iznos obaveze može pouzdano procijeniti.

Rezervisanja se preispituju na izvještajni dan te se usklađuju s procjenom temeljenom na trenutno najboljim saznanjima. Iznos rezervisanja povećava se u svakom razdoblju da se odrazi proteklo vrijeme. Ovo se povećanje prikazuje kao rashod od kamata.

Rezervisanja se mjere po sadašnjoj vrijednosti troškova za koje se očekuje da će biti potrebni za podmirenje obaveze, korištenjem diskontne stope prije poreza, koja odražava tekuće tržišne procjene vremenske vrijednosti novca, kao i rizike koji su specifični za navedenu obavezu.

Iznos rezervisanja povećava se u svakom razdoblju da se odrazi proteklo vrijeme. Ovo se povećanje prikazuje kao rashod od kamata.

3.18 Priznavanje prihoda

UNIS Koncern priznaje prihode kada su ispunjene obaveze izvršenja, odnosno na način koji odražava prijenos obećanih dobara ili usluga na kupca u iznosu koji odražava očekivanu naknadu temeljem sporazuma s kupcima ili dogovorenih uslova poslovanja koji su nastali kao uobičajena poslovna praksa UNIS Koncerna ili kupca.

Smatra se da je obaveza izvršenja ispunjena ako su dobra isporučena ili ako kupac stječe kontrolu nad njima. Kontrola se stječe kada kupac ima pravo direktnog korištenja dobara i temeljem toga stjecati ili ostvarivati povezane koristi.

Prihodi od prodaje iz ugovora s kupcima se umanjuju za ugovorne obaveze uključujući količinske popuste, povrate, sniženje cijena, poticaje, bonuse, penale i slične stavke, kao i prava uvjetovana nekim budućim događajima.

S obzirom da u ugovorima s kupcima postoji samo jedna ugovorna obaveza vezana uz proizvodnju i isporuku proizvoda UNIS Koncerna, Koncern stoga transakcijsku cijenu ne dijeli na više činidbi iz ugovora.

3.19 Priznavanje rashoda

Rashodi se priznaju na akrealnoj osnovi, i po osnovu povezanosti nastalih troškova i prihoda, odnosno sučeljavanjem prihoda i rashoda.

Rashodi finansiranja su priznati proporcionalno vremenu u kojem su korištena pozajmljena sredstva.

3.20 Operativna dobit

Operativna dobit je definisana kao rezultat prije poreza.

Finansijske stavke uključuju prihod od kamata na gotovinu u banci, depozite i kursne razlike na dobitke i gubitke na sve monetarne stavke imovine i obaveza izražene u stranim valutama.

3.21 Oporezivanje

Trošak poreza na dobit predstavlja zbirni iznos tekuće porezne obaveze i odgođenih poreza.

Tekući porez na dobit

Tekuća poreska obaveza temelji se na oporezivoj dobiti za godinu. Oporeziva dobit razlikuje se od neto dobiti perioda iskazanoj u bilansu uspjeha jer ne uključuje stavke prihoda i rashoda koje nikada nisu oporezive ni odbitne. Tekuća poreska obaveza izračunava se primjenom poreskih stopa koje su na snazi, odnosno važeće na datum izvještajnog perioda.

Napomene uz konsolidovane finansijske izvještaje

NAPOMENA 3. SAŽETAK ZNAČAJNIH RAČUNOVODSTVENIH POLITIKA (nastavak)
3.21 Oporezivanje (nastavak)

Odgođeni porez na dobit

Odgođeni porez jeste iznos za koji se očekuje da će po njemu nastati obaveza ili povrat na osnovu razlike između knjigovodstvene vrijednosti imovine i obaveza u finansijskim izvještajima i pripadajuće poreske osnovice koja se koristi za izračunavanje oporezive dobiti a obračunava se metodom bilansne obaveze.

Odgođene porezne obaveze općenito se priznaju za sve oporezive privremene razlike, a odgođena poreska imovina se priznaje u onoj mjeri u kojoj je vjerovatno da će biti raspoloživa oporeziva dobit na temelju koje je moguće iskoristiti privremene razlike koje se odbijaju.

Knjigovodstveni iznos odgođene porezne imovine procjenjuje se na svaki datum izvještajnog perioda i umanjuje u onoj mjeri u kojoj više nije vjerovatno da će biti raspoloživ dostupan iznos oporezive dobiti za povrat cijelog ili dijela iznosa porezne imovine. Odgođeni porez obračunava se po poreskim stopama za koje se očekuje da će biti u primjeni u periodu u kojem će doći do podmirenja obaveze i realizacije imovine. Odgođeni porez knjiži se na teret ili u korist bilansa uspjeha, osim ako se odnosi na stavke koje se knjiže direktno u korist ili na teret glavnice, u kojem slučaju se i odgođeni porez također iskazuje u okviru kapitala.

Odgođena porezna imovina i obaveze se prebijaju kada se odnose na poreze na dobit nametnute od strane iste poreske vlasti ukoliko postoji namjera da se podmiri iznose na neto osnovi.

NAPOMENA 4. UPRAVLJANJE FINANSIJSKIM RIZICIMA

4.1 Upravljanje kapitalom

Ciljevi UNIS Koncerna prilikom upravljanja kapitalom su očuvanje sposobnosti Koncerna da nastavi poslovanje pod pretpostavkom vremenske neograničenosti kako bi omogućila povrat ulaganja dioničarima i koristi ostalim zainteresiranim stranama te da održi optimalnu strukturu kapitala kako bi umanjila trošak kapitala.

UNIS Koncern nadzire kapital kroz praćenje pokazatelja zaduženosti.

UNIS Koncern je izložen riziku ulaganja u vrijednosne papire kroz rizike fer vrijednosti i cjenovni rizik jer su ulaganja Koncerna klasificirana u konsolidovanom bilansu kao raspoloživa za prodaju. Kako bi upravljala rizicima koji proizlaze iz njihove fer vrijednosti i promjene cijena, Koncern prati tržišne transakcije i rezultate subjekta ulaganja.

Uprava UNIS Koncerna pregleda i upravlja finansijskim rizicima vezanim za poslovanje Koncerna kroz uspostavljeno interno izvještavanje o rizicima u kojima se analiziraju izlaganja istima prema stepenu i značajnosti.

4.2 Tržišni rizik

Tržišni rizik je rizik promjene vrijednosti finansijskog instrumenta zbog promjene tržišnih cijena. UNIS Koncern ne ulazi u različite derivativne finansijske instrumente kako bi upravljalo izloženošću kamatnom i kursnom riziku.

4.3 Valutni rizik

UNIS Koncerna ulazi u međunarodne transakcije koje se odnose na kupovinu roba i usluga, pa postoji rizik izloženosti tržišnom riziku koji se odnosi na fluktuaciju deviznih sredstava.

Rizik poslovanja u stranim valutama proizlazi iz priznate imovine i obaveza.

NAPOMENA 4. UPRAVLJANJE FINANSIJSKIM RIZICIMA (nastavak)

4.3 Valutni rizik (nastavak)

Transakcije sa inostranstvom se većinom obavljaju u eurima (EUR), a kurs između EUR-a i KM je fiksni i iznosi 1 EUR = 1,95583, pa je izloženost riziku promjene kursa stranih valuta nizak. Koncern ne poduzima značajnije mjere zaštite od izloženosti ovom riziku.

4.4 Upravljanje kamatnim rizikom

UNIS Koncern je izložen kamatnom riziku jer posuđuje sredstva od komercijalnih banaka. Rizikom se upravlja održavanjem odgovarajućeg omjera pozajmica po povoljnijim kamatnim stopama. Značajan dio zaduženja Koncern je ugovorio po fiksnim kamatnim stopama. S obzirom na navedeno i činjenicu da su ključne kamatne stope na niskim razinama, Koncern nije značajnije izložen riziku promjene kamatnih stopa.

4.5 Upravljanje kreditnim rizikom

Kreditni rizik se odnosi na rizik da druga strana neće ispuniti svoje ugovorne obaveze što će rezultirati finansijskim gubitkom. Društva UNIS Koncerna su usvojila politiku da posluju samo sa kreditno pouzdanim strankama i da obezbijede dovoljno kolaterala, gdje se pokaže kao potrebno, kao sredstvo za umanjeње rizika i finansijskih gubitaka. Izloženost društava Koncerna i kreditni rejting klijenata se stalno nadgledaju, a ukupna vrijednost zaključenih transakcija je razdijeljena između odobrenih klijenata.

Kreditna izloženost kontrolira se ograničenjima klijenata koje godišnje pregleda i odobrava Uprava. Društva UNIS Koncerna nemaju značajnu izloženost kreditnom riziku ni prema jednom kupcu ili grupi kupaca koji imaju slične osobine.

4.6 Rizik likvidnosti

Rizik likvidnosti je rizik da će se UNIS Koncern suočiti sa teškoćama u obezbjeđenju sredstava radi izmirenja preuzetih obaveza vezanih za finansijske instrumente.

Krajnja odgovornost za upravljanje rizikom likvidnosti leži na Upravi UNIS Koncerna, koja je izgradila odgovarajući okvir za upravljanje rizikom likvidnosti kojim će se upravljati kratkoročnim, srednjoročnim i dugoročnim potrebama za upravljanje likvidnošću. UNIS Koncern upravlja ovim rizikom održavanjem adekvatnih rezervi, kreditima od banaka kao i ostalim izvorima finansiranja, time što konstantno nadgleda prognozirane i ostvarene novčane tokove i upoređuje profile dospjeća finansijske imovine i obaveza.

Napomene uz konsolidovane finansijske izvještaje

NAPOMENA 5 – PRIHODI IZ UGOVORA SA POVEZANIM STRANAMA

<i>(KM)</i>	2022.	2021.
Prihodi od prodaje robe	992	-
Prihodi od prodaje gotovih proizvoda	4.540	-
Prihodi od pruženih usluga*	133.566	137.610
	139.098	137.610

NAPOMENA 6 – PRIHODI IZ UGOVORA SA NEPOVEZANIM STRANAMA NA DOMAĆEM TRŽIŠTU

<i>(KM)</i>	2022.	2021.
Prihodi od prodaje robe	242.576	113.792
Prihodi od prodaje gotovih proizvoda	63.991	30.755
Prihodi od pruženih usluga	176.480	84.818
	483.047	229.365

NAPOMENA 7 – PRIHODI IZ UGOVORA SA NEPOVEZANIM STRANAMA NA INOSTRANOM TRŽIŠTU

<i>(KM)</i>	2022.	2021.
Prihodi od prodaje robe	34.152	-
Prihodi od prodaje gotovih proizvoda	518.397	620.756
Prihodi od pruženih usluga	43.439	52.016
	595.988	672.772

NAPOMENA 8 – OSTALI PRIHODI I DOBICI

<i>(KM)</i>	2022.	2021.
Dobici od prodaje stalnih sredstava	-	321
Prihodi od prodaje materijala	426	280
Udio u dobiti pridruženog društva i zajedničkog poduhvata primjenom metode udjela	1.525.030	1.347.445
Ostali finansijski prihodi	53.105	141.335
	1.578.561	1.492.381

NAPOMENA 9 – NABAVNA VRIJEDNOST PRODATE ROBE

<i>(KM)</i>	2022.	2021.
Nabavna vrijednost prodate robe	153.419	57.864
	153.419	57.864

Napomene uz konsolidovane finansijske izvještaje

NAPOMENA 10 – PROMJENE NA ZALIHAMA GOTOVIH PROIZVODA, POLUPROIZVODA I PROIZVODNJE U TOKU

<i>(KM)</i>	2022.	2021.
Smanjenje vrijednosti zaliha učinaka	728	22.967
	728	22.967

NAPOMENA 11 – TROŠKOVI SIROVINA I MATERIJALA

<i>(KM)</i>	2022.	2021.
Troškovi sirovina i materijala	359.475	457.877
	359.475	457.877

NAPOMENA 12 – TROŠKOVI ENERGIJE I GORIVA

<i>(KM)</i>	2022.	2021.
Troškovi energije i goriva	38.857	35.601
	38.857	35.601

NAPOMENA 13 – TROŠKOVI PLAĆA I OSTALIH LIČNIH PRIMANJA

<i>(KM)</i>	2022.	2021.
Bruto plaće zaposlenih	313.589	340.785
Ostale naknade zaposlenih	122.894	87.876
Troškovi ostalih angažovanih fizičkih lica, uključujući članove odbora	52.917	47.743
	489.400	476.404

NAPOMENA 14 – AMORTIZACIJA

<i>(KM)</i>	2022.	2021.
Amortizacija nekretnina, postojenja i opreme	77.705	80.707
	77.705	80.707

NAPOMENA 15 – TROŠKOVI PRIMLJENIH USLUGA

<i>(KM)</i>	2022.	2021.
Troškovi primljenih usluga	266.256	102.436
	266.256	102.436

Napomene uz konsolidovane finansijske izvještaje

NAPOMENA 16 – OSTALI POSLOVNI RASHODI I TROŠKOVI

(KM)	2022.	2021.
Ostali poslovni rashodi i troškovi	45.265	52.212
	45.265	52.212

NAPOMENA 17 – OSTALI RASHODI I GUBICI

(KM)	2022.	2021.
Neto kreditni gubici od finansijske imovine po amortizovanom trošku	1.330	1.123
Rashodi od kamata	116.947	152.579
Ostali rashodi i gubici	3	6
	118.280	153.708

NAPOMENA 18 – NETO DOBIT PERIODA

(KM)	2022.	2021.
Dobit iz redovnog poslovanja	1.247.309	1.092.352
Dobit od obustavljenog poslovanja	-	2
Neto dobit perioda	1.247.309	1.092.354

UNIS Koncern je u 2022. godini ostvario neto dobit u iznosu od KM 1.247.309.

NAPOMENA 19 – MATERIJALNA IMOVINA

(KM)	2022.	2021.
<i>Nekretnine, postrojenja i oprema</i>		
Zemljište	143.218	143.218
Građevinski objekti	1.207.409	1.251.845
Postrojenja, oprema i namještaj	23.383	33.314
Transportna sredstva	67.515	68.853
Avansi i oprema u pripremi	1.530.548	1.530.548
	3.027.778	3.027.778

Investicije u toku u vrijednosti od KM 1.530.548 odnose se na:

- Investicije u toku – građevinski objekti u iznosu od KM 460.394 (proizvodni prostor u Vogošći).
- Investicije u toku – postrojenja i oprema (mašine) u ukupnom iznosu od KM 1.070.154 odnose se najvećim dijelom (KM 1.068.774) na rabljenu opremu za mašinsku obradu metalnih proizvoda, kupljenu od "TMD GROUP" d.o.o. Gradačac po Ugovoru o kupoprodaji broj: 10-433/15 od dana 03.03.2015. godine. Prodavac nije ispunio svoje ugovorene obaveze u smislu isporuke kompletne opreme koja je predmetom ugovora, niti je dokazao kapacitete isporučene opreme, niti istu pustio u rad, a nije ni izvršio obavezu obuke osoblja. Pored neispunjenja ugovorenih obaveza od strane Prodavca, oprema koja je dostavljena nije dovedena u funkcionalno stanje od strane Dobavljača, a na što je isti obavezan po ugovoru. Protiv pomenutog dobavljača je podnesena tužba kod Općinskog suda u Sarajevu radi raskida ugovora i potraživanja naknade štete. U toku 2018. godine Općinski sud u Sarajevu donio je prvostepenu presudu u korist Društva, a tuženi je uložio žalbu na presudu. Predmet je na odlučivanju pred Kantonalnim sudom u Sarajevu.

Napomene uz konsolidovane finansijske izvještaje

NAPOMENA 20 – DUGOROČNI FINANSIJSKI PLASMANI I RAZGRANIČENJA

<i>(KM)</i>	2022.	2021.
Ulaganja u pridružene subjekte	5.356.411	5.221.621
Ulaganja u zajedničke poduhvate	27.858.826	27.858.826
	33.215.237	33.080.447

NAPOMENA 21 – ZALIHE

<i>(KM)</i>	2022.	2021.
Sirovine, materijal, rezervni dijelovi i sitan inventar	37.373	5.928
Proizvodnja u toku	55.762	58.563
Gotovi proizvodi	4.083	4.083
Zalihe robe	60.616	61.416
Avansi za zalihe	173.602	175.931
	331.436	305.921

NAPOMENA 22 – POTRAŽIVANJA OD KUPACA

<i>(KM)</i>	2022.	2021.
Kupci – povezana pravna lica*	8.935	4.731
Kupci u zemlji**	12.264	18.107
Kupci u inostranstvu	-	59.257
	21.199	82.095

NAPOMENA 23 – NOVAC I NOVČANI EKVIVALENTI

<i>(KM)</i>	2022.	2021.
Novac i novčani ekvivalenti	662.132	122.801
	662.132	122.801

NAPOMENA 24 – AKONTACIJE POREZA NA DOBIT

<i>(KM)</i>	2022.	2021.
Potraživanja za uplaćene akontacije poreza na dobit	10.607	10.607
	10.607	10.607

Napomene uz konsolidovane finansijske izvještaje

NAPOMENA 25 – OSTALA IMOVINA I POTRAŽIVANJA, UKLJUČUJUĆI RAZGRANIČENJA

(KM)	2022.	2021.
Ostala imovina i potraživanja, uključujući i razgraničenja	2.756.520	2.777.866
	2.756.520	2.777.866

NAPOMENA 26 – KAPITAL

(KM)	2022.	2021.
Osnovni kapital	27.497.010	27.497.010
Statutarne rezerve	1.097.799	879.450
Neraspoređena dobit ranijih godina	5.422.731	4.548.725
Neraspoređena dobit izvještajne godine	1.247.309	1.092.354
	35.264.849	34.017.539

Osnovni kapital UNIS Koncerna na dan 31.12.2021. godine, iznosi KM 27.497.010 podijeljen na 2.569.814 dionica sa pojedinačnom nominalnom vrijednošću od KM 10,70.

NAPOMENA 27 – OBAVEZE PO UZETIM KREDITIMA

(KM)	2022.	2021.
Obateze prema povezanim pravnim licima	1.370.873	1.370.873
Dugoročni krediti	1.877.569	2.825.842
	3.248.442	4.196.715

NAPOMENA 28 – FINANSIJSKE OBAVEZE PO AMORTIZOVANOM TROŠKU

(KM)	2022.	2021.
Obateze prema dobavljačima	481.677	450.062
Ugovorne obaveze	2.555	132.808
Kratkoročni dio dugoročnih kredita	948.272	587.454
	1.432.504	1.170.324

NAPOMENA 29 – OSTALE OBAVEZE UKLJUČUJUĆI I RAZGRANIČENJA

(KM)	2022.	2021.
Ostale obaveze, uključujući i razgraničenja	23.409	22.937
	23.409	22.937

NAPOMENA 30 – POTENCIJALNE OBAVEZE

Na dan 31.12.2022. godine UNIS Koncern nema nepredviđenih obaveza, uključujući garancije, akreditivne i sl. Poreske vlasti mogu u bilo koje vrijeme izvršiti inspekciju računovodstvene evidencije za period od 5 godina unazad i mogu utvrditi eventualne dopunske poreske obračune i kazne. Uprava Koncerna nema saznanja o eventualnim okolnostima koje bi mogle dovesti do potencijalne i značajne obaveze u ovom pogledu.

NAPOMENA 31 – DOGAĐAJI POSLIJE DATUMA BILANSA STANJA

Nakon datuma izvještavanja, a do datuma odobrenja finansijskih izvještaja, nije bilo događaja koji bi značajno uticali na finansijske izvještaje UNIS Koncerna za 2022. godinu, a koji se sukladno MSFI-ima trebaju posebno istaknuti ovim finansijskim izvještajima.

ODOBRENJE KONSOLIDOVANIH FINANSIJSKIH IZVJEŠTAJA

Konsolidovani finansijski izvještaji odobreni su od strane Uprave UNIS Koncerna na dan 30. maja 2023. godine.

Direktor

Kenan Taslaman

